

北平黃崑圃先生原本

雲間姚培謙鱸香重訂
同里王永祺恒齋參閱

周禮節訓

卷肆

周禮節訓卷三

北平黃崑圃先生原本

雲間姚培謙鱸香重訂

同里王永祺恒齋參閱

春官宗伯

大宗伯之職。以吉禮事邦國之鬼神。而以禋祀祀
昊天上帝。以實柴祀日月星辰。以槱燎祀司中司
命。以血祭祭社稷。五祀五嶽。以貍沈祭
山林川澤。以鬴辜祭四方百物。以肆獻裸享先王。

以饋食享先王。以祠春享先王。以禴夏享先王。以嘗秋享先王。以烝冬享先王。

飏古風字裡埋通韻音壁。吉禮祭禮也。精意以享謂之禋。牲幣加柴曰實柴。禋積也。積柴燔燎曰禋。燎司中司命謂文昌第五四星風師謂箕星兩師謂畢星也。數者皆祀天神。取血以祭曰血祭。祭山林曰獋。祭川澤曰沈。羶辜拔解其牲體以祭也。四方百物謂蜡。祭諸神也。數者皆祀地祇。陳牲曰肆。獻醴曰獻。灌鬯曰祿。薦粱曰饋。食數者皆享人鬼。

以凶禮哀邦國之憂。以喪禮哀死亡。以荒禮哀凶札。以弔禮哀禍哉。以禴禮哀圍敗。以恤禮哀寇亂。

禴音膾。喪禮弔唁賻贈之屬。荒禮貶省蠲賑之類。弔禮遣使慰之也。禴禮會財助之也。恤禮通問於之也。

以賓禮親邦國。春見曰朝。夏見曰宗。秋見曰覲。冬

見曰遇。時見曰會。殷見曰同。時聘曰問。殷頻曰視。

見音現。朝音潮。頻音眺。親謂親附之也。朝之言朝欲蚤至也。宗言尊尊上位也。覲言勤勤王事也。遇之言偶若不期而至也。時見者言無常期。王將有征討之事為壇於國外會諸侯而命以事焉。殷衆也。王若十二年不巡狩六服盡朝王亦為壇而命以政焉。六者皆言侯朝而待以禮也。時聘謂小聘也。王有事則諸侯遣大夫問之。與時見略同。殷頻謂大聘也。大行人職元年七年十一年皆一服朝王其餘服不朝者各遣卿視之。與殷禮略同。二者言臣聘而待以禮也。

以軍禮同邦國。大師之禮用衆也。大均之禮恤衆也。大田之禮簡衆也。大役之禮任衆也。大封之禮合衆也。

同者約之使不離渙也。邦國謂邦國之衆師非衆不克故貴於用衆。大均謂平其賦役簡謂簡其能用之大役之禮築城郭修宮室役民為

之所以任其力也。大封之禮，建國正其封疆溝涂，所以合聚其民也。

以嘉禮親萬民。以飲食之禮親宗族兄弟。以昏冠之禮親成男女。以賓射之禮親故舊朋友。以饗燕之禮親四方之賓客。以脤膾之禮親兄弟之國。以賀慶之禮親異姓之國。

冠去聲。嘉善也。言萬民者，對王之詞。且見其禮通上下也。賓射之禮，先燕以行禮，繼射以觀德也。故舊朋友，謂為世子時同在學者。饗以訓恭儉，燕以示慈惠。賓客，謂來朝聘者。宗廟有歸膳社稷，有受脤膾，贊喜曰慶，加賄曰賀。

以九儀之命。正邦國之位。壹命受職。再命受服。三命受位。四命受器。五命賜則。六命賜官。七命賜國。

八命作牧。九命作伯。

每命異儀貴賤之位乃正。一命者王之下士、公侯伯之士、子男之大夫也。再命王之中士、公侯伯之大夫、子男之卿。三命王之上士、公侯伯之卿。四命王之下大夫、公之孤、五命王之下大夫、出封六命王之卿、封為子男。七命王之卿、出封為諸侯。八命諸侯有功德者。九命王之「公」或諸侯有功德者受職謂受以治事受服謂受以其位之服受位謂列位於朝受器謂具祭器於家賜則明猶類都也。賜官得自置家臣賜國明始成國也。牧謂九州之牧作伯。謂加命為方伯得專征伐也。

以王作六瑞以等邦國。王執鎮圭。公執桓圭。侯執信圭。伯執躬圭。子執穀璧。男執蒲璧。

信圭同。瑞猶寶也。等謂別其尊卑。鎮圭以四鎮之山為瑑飾取鎮安朝野也。桓圭象桓楹取柱石國家也。信圭躬圭皆以人形為瑑飾信圭象身之直取直身而不同。躬圭象躬之屈取鞠躬而不亢。穀璧瑑穀於璧取養人之義。蒲璧瑑蒲於璧取蒲為筵席能安人也。

以禽作六摯。以等諸臣。孤執皮帛。卿執羔。大夫執雁。士執雉。庶人執鵷。工商執鷄。

摯贊同鷺音木。摯者執以相見之禮。皮帛束帛而加以皮也。天子之孤以虎皮取其文炳也。公之孤以豹皮取其文蔚也。羔取其群而不失類也。雁取其順陰陽而往來也。雉取其文采而守介也。鵷取其不飛遷也。鷄取其守時而動也。

以玉作六器。以禮天地四方。以蒼璧禮天。以黃琮禮地。以青圭禮東方。以赤璋禮南方。以白琥禮西方。以玄璜禮北方。皆有牲幣。各放其器之色。

放上聲。璧形正圓。蒼象天也。琮形八方。黃象地也。圭形銳首。青象東。璋形半圭。赤象南。琥形琢虎。白象西。璜形半璧。玄象北。

以天產作陰德。以中禮防之。以地產作陽德。以和

樂防之

天產謂動物六牲之屬地產謂植物九穀之屬德猶氣也作猶成也防猶制也凡六牲之屬皆為陰以作陰德可矣而起其陰勝而滯故以中禮防之凡九穀之屬皆為陽以作陽德可矣而起其陽勝而蕩故以和樂防之如是故陰陽平而性情和也

凡祀大神享大鬼祭大示涖玉鬯省牲鑊奉玉齋詔大號詔相王之大禮朝覲會同則為上相

相去聲○玉謂禮神之玉也鬯謂灌地之鬱鬯也郊社有玉無鬯宗廟有鬯無玉鑊謂烹牲之鑊玉齋王飾簠簋以薦粢盛者大號神鬼示牲齋幣之號詔告也告太祝使為之辭也

小宗伯之職掌建國之神位右社稷左宗廟兆五帝於四郊四望四類亦如之辨廟祧之昭穆掌三

族之別以辨親疎其正室皆謂之門子掌其政令
大祭祀逆盥省鑊告時於王告脩於王

兆營域也五帝見太案四望謂日月星辰四類謂司中司命風師雨師
天子七廟四親廟二祧廟并太祖廟為七太祖廟居中左一祧二廟為
三昭右一祧二廟為三穆祧以上則為毀也廟皆南向主皆東向至禘
祭太廟惟太祖之主東向自如為最尊之位群昭位於北而面南群穆
位於南而面北子孫依祖宗之昭穆陪位而不失其倫父族子族并已
為三族正室嫡子也以當室曰正室以當門曰門子政令謂明其嫡庶
使不得以孽代宗也逆盥謂逆饔人所供之案盛省
鑊謂省烹人所烹之牲也時謂時不忒備謂物皆具

肆師之職掌立國祀之禮以佐大宗伯以歲時序
其祭祀大賓客涖筵几筵鸞贊果將大朝覲佐賓
共設匪彝之禮嘗之日涖卜來歲之芟社之日涖

卜來歲之稼

鬻者同果裸同匪籩同。肆陳也。主陳列祭祀之禮者。位者。視有司所設。樂器高簋鬱金而煮之。和以為鬯也。贊者。贊小宗伯也。賓亦有裸。接大賓如承大祭也。佐者。為其承償也。籩以實幣。饗以實醢。共設謂致賓時設於賓館者。楚謂及草萊稼謂樹木隊。泣卜之者。重農事也。

鬱人掌裸器。凡祭祀賓客之裸事。和鬱鬯以實彝而陳之。

裸器。瓚也。鬱。鬱金。鬯。酒名。彝。卽司尊彝之六彝。凡鬱鬯。先實陳於彝器。而後灌以玉瓚。

甸人掌共秬鬯而飾之。

釃。黑黍為酒。謂之秬鬯。和以鬱。謂之鬱鬯。飾之。謂上設巾也。

鷄人掌大祭祀夜嘯。旦以詔百官。賓客會同亦如之。

噓呼同詔叫同口叫猶戒也警也。因鷄鳴以呼驚百官使興也。

司尊彝掌六尊六彝之位。春祠夏禴裸用雞彝鳥彝皆有舟。其朝踐用兩獻尊。其再獻用兩象尊。皆有罍。諸臣之所酢也。秋嘗冬烝裸用斚。彝黃彝皆有舟。其朝獻用兩著尊。其饋獻用兩壺尊。皆有罍。諸臣之所酢也。凡四時之間祀追享朝享裸用虎彝。雖彝皆有舟。其朝踐用兩大尊。其再獻用兩山尊。皆有罍。諸臣之所酢也。

斚音賈

朝踐之朝如字。獻尊之獻同。犧酢讀作酢。著直略反。間去聲。朝享之朝音潮。大音泰。尊彝皆酒器。舟彝下臺猶今承盤也。彝有舟猶尊有罍。

也雞彝刻雞形鳥彝刻鳳形犧尊刻牛形象尊刻象形爵蓋亦為丹
雷形也畢彝刻稊形有耳黃彝刻黃金為目著尊着地無足壺尊腫下
有頸虎彝刻虎形雌彝刻雌形太尊太古瓦尊山尊瓦為山形追享謂
夏四月禘祭朝享謂冬十月抬祭以其間於四時故曰間祀朝錢即朝
獻再獻即饋獻祭凡九獻有四節王一獻后二獻曰裸王三獻后四獻
曰朝踐王五獻后六獻曰饋食王七獻后八獻曰醑其九獻則諸臣也
避王后
故曰酢

司八筵掌五八五席之名物凡大朝覲大饗射王
位設黼依依前南鄉設莞筵紛純加纁席畫純加
次席黼純左右玉几祀先王昨席亦如之諸侯祭
祀席蒲筵纁純加莞席紛純

依展同鄉去聲純音進纁纁同畫畫同○筵設於地席加於筵凡置於
席五八玉彫彤漆素五席纁次莞纁纁席蒲筵為之編以采也次席

桃枝竹為之次為文也熊席熊皮為之莞席緇葦為之葦席大莞為之
依如屏風其上畫黑白為斧形終謂白繡畫謂雲氣純綠也昨謂王受
尸醑也續
畫彩也

天府掌祖廟之守藏凡國之玉鎮大寶器藏焉若
有大祭大喪則出而陳之既事藏之上春釁寶鎮
及寶器若祭天之司民司祿而獻民數穀數則受
而藏之

守藏之藏去聲。玉鎮如圭璧琬琰之屬寶器如兗戈和弓之屬數者
殺牲塗而以神之也司民軒轅角也司祿文昌第六星也祭司民然後
獻民數祭司祿然後獻穀數受而藏於天
府以民為王者所天而食乃民之天也

典瑞掌玉瑞玉器之藏王晉大圭執鎮圭縹藉五

采五就以朝日公執桓圭侯執信圭伯執躬圭繅
皆三采三就子執穀璧男執蒲璧繅皆二采再就
以朝覲宗遇會同於王諸侯相見亦如之琢圭璋
璧琮繅皆二采一就以頌聘四圭有邸以祀天地
上帝兩圭有邸以祀地旅四望牙璋以起軍旅山
治兵守璧羨以起度穀圭以和難以聘女琬圭以
治德以結好琰圭以易行以除慝

晉摺同琢篆同類規通難好並去聲○朝會以為符曰瑞祀賓以為禮
曰器帶繅曰摺素無文曰大圭畫采曰繅就匝也以木如圭璧琮璋各
衣以韋而畫五采為五就以藉玉也朝日謂春分拜日於東郊三采謂
朱白蒼二采謂朱綠琰刻也大夫衆采曰頌寡采曰聘邸本也四圭玉

為邸而圭著其四面兩圭王為邸而圭著其兩旁也牙璋為牙如兵象也羨延也璧圓九寸殺其兩旁而羨其上下則徑八寸而長一尺凡尺寸之度由此起也圭如穀璧曰穀圭王遣使和諸侯之難及聘女而納幣則執之王下皆圖曰琬圭稍刻其上使有鋒曰琰圭治德結好以勸諸侯之善易行除慝以懲諸侯之惡

典命掌諸侯之五儀諸臣之五等之命上公九命為伯其國家宮室車旗衣服禮儀皆以九為節侯伯七命以七為節子男五命以五為節王之三公八命其卿六命其大夫四命及其出封皆加一等凡諸侯之適子誓於天子攝其君則下其君之禮一等未誓則以皮帛繼子男公之孤四命以皮帛

眡小國之君其卿三、大夫再、士一、命。侯伯之卿大
夫士亦如之。子男之卿再、命其大夫一、其士不命。
五儀公侯伯子男之儀五等。孤以下四命三命再命一命及不命也。天子之三公加命為上公故為伯也。大行人職上公之禮國城方九里宮方九百步。貳車九乘建常九旒冕服九章桓圭九寸樊纓九就介九人禮九牢其儀皆以九為節如其命也。七命五命攸比王之三公以未出封者言也。適子謂當立者誓謂天子命為嗣攝其君謂攝父朝會則執圭璧祗降其父爵一等重王命成也。否則繼子男之後而已。以上言諸侯之五儀以下言諸臣五等之命公之孤者上公之臣得有孤也。

司服掌王之吉凶衣服王之吉服祀昊天上帝則服大裘而冕祀五帝亦如之享先王則衮冕享先公饗射則鷩冕祀四望山川則毳冕祭社稷五祀

則希冕祭羣小祀則玄冕

驚音驚希作緇○吉服祭服也其服有六黑羔為大裘而加冕服特制也餘五服首衾冕服九章一龍二山三華蟲四火五宗彛皆續於衣六藻七粉米八黼九黻皆續於裳次驚冕服七章自華蟲以下續於衣者三繡於裳者四次彛冕服五章自宗彛以下續於衣者三繡於裳者二次希冕服三章自粉米以下續於衣者一繡於裳者二次玄冕服一章衣無續裳繡繡而已各名冕服者以服名其冕也先公謂自后稷以下至祖緝饗射享賓而因與射也

守祧掌守先王先公之廟祧其遺衣服藏焉祭祀則各以其服授尸其廟則有司修除之其祧則守祧黜陟之

陟音匙○廟謂太祖之廟及三昭三穆也遷土所藏曰祧遺衣服大欽之餘衣服也黜黑陟白也脩除其廟令嚴邃也黜陟其祧使新潔也比